

永樂大典

卷九百二

永樂大典卷之九百二

二支

詩 元詩四

元虞集道園學古錄無題 夏葦珠玕冷於水。絲繭烹魚手操匕。西風歸燕杏梁深。恨不身先貴人死。 貝闕珠宮夜不眠。露華浩浩月娟娟。不應又作人間夢。窈窕吹簫度碧烟。 賦范德機詩後 玉堂妙筆文游盡。投老江南隔死生。最憶崖州相憶處。華星孤月海波清。 題文丞相詩後 大厦明非一本支。區區未忍聽傾危。故人邂逅聊相問。矢死終天更不疑。 偶成 野田閑水浸秋天。隨意行吟到水邊。稚牧各歸魚鳥散。微風吹面鬢蕭然。 半畝秋天近石床。金爐自炷水沉香。新涼透骨清如水。幾箇蒼筤共夜長。 鶴骨新來怯曉寒。東窗睡覺日三竿。蒲團深坐香如縷。塵几殘經亦倦看。 絕句 城南尺五野人居。六月清陰八月如。一色琅玕三百箇。猶堪裁作殺青書。 與趙伯高論詩 莫道幽人有意吟。綠情生變苦推尋。奇雲映日書成字。靈響盤空譜作音。春風雖鄙天廣大。秋蛩唧唧雨陰沉。性情平澹隨時見。禮樂何曾繫古今。 陳立來求詩法 拙跡

永樂大典卷九百二

一

生理歎衰翁。食粥何妨甑。屢空驚見殺。難供季路喜。看載酒問楊雄。畫圖乞與千山雪。詩法傳來滿袖風。今子讀書誰得侶。高閑甘旨不憂窮。陸子方集次善卿雜詩 貞女不自媒。蛾眉為誰掃。春風吹年華。開戶綠芳草。靈脩不我顧。覽鏡紅顏槁。焉得北堂萱。聊用寬憂抱。又懼青蠅譏。善使黑白倒。遂令親者疎。我欲早有吳。 東坡譏舉子。有類候蟲鳴。退之譏詩人。謂作蒼蠅聲。制策直而核。聯句新且清。自作復自譏。持論終未平。無人解此意。起我懷古情。 蛙從井底語。豹在管中見。若遇大方家。一笑真自獻。饋漿意已驚。抱甕力殊倦。因知巧若拙。頗覺狂次猶。玉以德保瑕。珉以多故賤。 火雲吐赤日。早勢千里聞。古人救荒術。貨食知本末。家家筭口賦。殆類僧持鉢。激水活肆枯。植木蔭道暍。諸公善努力。赤子正飢渴。 棄兒啼草間。瘦妻卧路傍。公廩已告匱。私戶猶多藏。嗟哉守錢奴。盜竊勢且昌。莫保千金軀。汝富安得長。鍊炭不及炊。實缺空自將。獨有黃巾寇。不入鄭公卿。高賢古所貴。薄俗今可傷。 雜書五首 田叟不知書。指望升平年。一生把鉏犁。忽聞鑄戈鋌。早晚征徭起。驚訛走相傳。腐儒寒窻下。風雨正鞫眠。夜半更相呼。巷南連巷北。人語何喧喧。陰風何窸窣。猛虎下山來。安尾逐不得。村中鷄犬盡。行擇小兒食。 何處人夜歸。一犬穿籬吠。信信

永樂大典

卷九〇二

聲四起似各應其類。月寒人影空。帖耳猶去。家家防穿窬。披衣不得睡。
 秋聲何颼颼。乃在枯柳邊。時音韻。鷓鴣。歲晚樓窮蟬。張緒少年時。春風
 正可憐。流光不相待。白首淚潸然。定遠未封侯。發憤投其筆。老儒七十
 餘。毫髮手不釋。才器有長短。志趣各自適。遠思玉關外。萬里風沙隔。絕
 句。車薪勝盃水。與羽重鈞金。物理元無定。權衡只在心。買絲綉平原。
 礙金鑄子期。君子病無能不病人。不知杜欲誅雲師。韓將訟風伯。水旱
 不由天。那是詩人責。偶作奸雄往往墮。危機成敗安能論。是非空笑
 狂生投益智。絕憐老母遺當歸。次伯機絕句。梅天風雨一江寒。濕却
 灘頭舊釣竿。自看漁叢沽酒去。路逢賈客問長安。偶書。憂時耿耿丹
 心在。無事悠悠白日過。萬里山河音信少。一春風雨悶懷多。舊題。賤
 得清明一半春。蜂衙蝶使往來頻。東風自動鞦韆索。不見海棠花下人。
 偶題。少年不更事。新學多誤人。桓冲成繆語。張禹豈純臣。旋沽臘醕
 供園菜。小簇春盤擷土蔬。老子興來猶不淺。故人病後肯相踈。遠書每勸
 加餐食。新學多承問起居。大息吾年餘幾耳。閒愁不樂復何如。王文忠公
 集讀唐百家詩選。風雅變漢魏。近古猶可取。六朝傷綺靡。道喪亦已久。
 予昂振高風。感寓傳不朽。李杜俄繼興。英名擅星斗。夫容照初日。亦有章

永樂大典卷九百二

與柳。衆賢復炳耀。升堂窺戶牖。森然群玉府。煥若春花園。嗟嗟大曆運制
 作。半好醜。端為垂世規。區別豈容後。荆公選詩眼。政如經國手。自用一何
 愚。美惡頗雜揉。驪珠時見遺。魚目久為寶。唐詩觀此足。誣人何大厚。誣人
 寧此詩。感嘆重搔首。病中偶和韋蘇州詩。黃鸝戩短翮。羨集江之漢。
 海鷗愴相忘。翛然亦戾止。抱瘵呻吟餘。擊缶歌下里。忽聞陽春曲。南薰從
 綠綺。龍門萃髦彥。楚材稱杞梓。迭奏正始音。竊眇諧宮徵。皇風鷓鴣清。穆大
 路平如砥。言觀麗澤象。惇惇勗多士。堅貞瑩圭璧。芳馨襲蘭芷。勗力芸我
 田。前脩蹈遐軌。作古詩一篇奉呈庶齋盛翁暨諸士友。繼友作韻再作。
 未及錄呈。蒙庶齋泊諸友示予和章。而容川劉君所作與余再和。第二篇
 梓字韻一聯。合若符契。迺重次前韻。用以贈劉。仍不改前句。以表志同道
 合之意云。廬阜抗靈嶽。磅礴莫江浹。豈伊宅列僊。多士亦爰止。士林擅
 孤秀。我我冠仙里。貽我英瓊瑤。藉以雙鶯綺。愧此檇櫟姿。跋彼橋與梓。燠
 荒唱斯和。合宮復諧徵。奇君如莫邪。鋒鋸幾淬砥。積韞諒已久。賞音豈無
 士。老我歌遠遊。佩篔簹芬芷。方駕遵脩途。駢駢勿停軌。復次前韻。呈庶
 齋先生。伊昔汗漫遊。弭節江之浹。娥英阻靈觀。九疑徒仰止。超忽歲云
 邁。駕言返田里。被我夫容寒。含章聚如綺。亭亭南山桐。蕤蕤九山梓。爰伐

清廟瑟未絃於宮。微願惟推。託質永言。資礪砥。豈無青雲。芬茲黃髮。士
 贈我荆山玉。報以沅江芷。軼駕諒絕塵。遙驅尚同軌。病中偶讀韋蘇州
 歲日寄京師。諸李端武等詩。因次其韻。卧病逾休。告偶遂清淨。綠幽懷
 復坦坦。謝彼塵慮。韋憶昨。擁朱幡。守邦江北。墟異效鉛刀。用矧位強。仕年
 上將布德澤。下以惠顛連。拙疾負宿心。孤節差可全。緬懷千載人。聊用善
 自詮。故山足棲遯。解纓濯清泉。縹紗造物游。閱此歲序遷。孤鷗忽騰翮。軒
 軒返芝田。無題。鷲馬非龍媒。形如渥洼駒。卷戀枝豆恩。低首駕鼓車。
 逸足思蕭雲。羈勒有所拘。豈無九方歎。相視空嗟吁。天麻十二開。飽秣玉
 山芻。立仗殊不鳴。矯矯真良圖。造物等嬉戲。孰賢復孰愚。浩歌撫秦缶。統
 屋聲嗚嗚。猗猗彼芳蘭。托根華池邊。婉孌結新婚。期若金石堅。金石信
 不渝。婚嫁當及年。遙遙寄音。迢遞阻山川。望君君未來。芳歲宛徂邁。感
 彼夫容華。灼灼艷且鮮。黃河出崑崙。九曲赴東海。知歷幾險艱。朝宗意
 斯在。桓桓南山松。特立閱千載。枝柯鬱且茂。不為歲寒改。世故競變更。倚
 伏難豫待。但秉金石心。茲生尚無悔。西州有寒士。結屋山之麓。鋤治五
 畝園。但植梧與竹。汲井滋芳根。列榭護真木。綠竹漸有實。梧桐陰始綠。鳳
 兮渺何許。遲爾一來辱。雅意在千年。君心何太速。肅肅張允宜。依依守

水樂大典卷九百二

三

雄畢超然。龍與鳳。世外保優逸。離群豈不若。自顧寡儔匹。白駒為場苗。俯
 首就維繫。所以蔽于陵。不為漢光屈。太公混漁釣。伊尹隱耕耨。一朝遇
 真實。欬起佐元后。世無九方臯。相馬失之瘦。昂昂千里駒。安肯戀棧豆。吾
 慕鄭子真。躬耕老巖岫。行行復行行。出門志遊衍。溪邊散餘步。溪水清
 且淺。魚鳥各從容。閑雲任舒卷。秋風柳嶺岷。歲寒松偃蹇。喜茲秋郊淨。樂
 我襟懷展。襟懷日以展。我心日以遠。安得同志人。共陟青雲巘。民彝物
 則自天全。秦火炎空詎可燃。妙理生生誰會得。鸞飛魚躍塞坤乾。聖心
 原委寓遺經。先達重陳炳日星。暇食安居了無事。明窓渠几靜儀刑。道
 匪虛無大。路然周程授。受有心傳。可憐弄筆操觚者。抵死區區幾百年。
 山靜泉清全道體。草生木長驗人心。導消護藥兢兢意。何日清江映茂林。
 琳宮益沼貯清冷。七澤三湘照眼明。並蒂芙蓉歲乾治。露盤雙玉共金
 莖。露盤雙玉共金莖。吸露仙人上碧冥。手把雙荷一揮灑。群生醉夢豁
 然醒。絲絲寒雨霏空碧。一片清愁宛如織。候蟲抱恨復啾啾。萬里羈人
 嘆行役。雌蜺千丈橫晴秋。須臾倒影吞江流。葛衫無柰風颺颺。坐見旗色
 來高樓。北平飛將老不侯。一言悟主田千秋。明發往問滄江鷗。咄哉忘計
 良悠悠。公擇藏書五老峯。胎誦燕冀安無窮。眉山仙伯絕盛事。至今千

載流清風雲孫磊落珠逸群文雅彷彿如前人牙籤神架三萬軸天祿石渠不足吞我生粗有叨學志歲華荏苒嗟無似有願須讀未見書慚非海內無雙士知君好事絕等倫交朋就假寧憚勤異篇隱帙倘垂示微辭妙理當同聞偶成自笑山林麋鹿姿世緣驅迫到京師金張有籍通青瑣嚴鄭無階上赤墀擾擾紛紛亦良苦熙熙壞壞竟何之野鷗未是樊籠物夜夜江湖入夢思青雲冠蓋滿皇州黃閣烏臺換上游時事糾紛空嘆息賈音寥闊愧淹留公車辟掾求三語逆旅哦詩擬四愁翁媪倚門心政切春風菽水去來休古詩幽人捐筋力自斲十畝荒手持蟠桃核種之南山陽一羊萌蘖生百年枝幹長迢遞三十年羨實期見寄客從都邑來衣馬多輝光薜蘿欲分贈朝露含幽香笑我大遠計悠悠何所望律詩崑崙積石導洪河銀漢曾通萬里槎自厭營裳汗臺閣政宜樵牧傍陵阿鳳麟呈瑞吾何與珠璧聯輝世豈多玉署薇垣奏風雅空拳深愧敵操戈絕句朱時梅萼衝寒破歸去茂葵向日開千古江山儼如畫不堪荒草沒燕臺王惲秋間集冬日與呂文讀毛詩二十二首婦道防閑貴有初文姜夫御從雲如何殊苟敵梁空在秋水誠多得計魚服御鮮明擬大君轉轉擊汶陽春載驅既匪勤王事隱惡能無播萬民

永樂大典卷九百二

我驂濟濟威儀美且都詩人詠入嗟吁齊家為夫防閑禮禦亂無多金僕姑傳為國規模以德將恬然風俗入安疆新婦服櫛既非禮葛屨凌霜尤失常葛履汾水悠悠宛一方條桑未黃僕夫當誰知絮絮耗車子終日傾筐沮如傍沮如得民方可固邦基此道幽深莫我知却憶賓庭陳百旅棘桃猶足備多儀國有地地狹民稠十畝間來歸來遊共開闢何當一復周家制各守封疆絕往還十畝之間邦畿感近四隣侵行役無時怨抑深涉崑遐瞻私自慰倚門應甚望雲心不致安得獸懸門匪徭胡為未積園但待郵貪居祿位不能無愧伐檀人伐檀碩鼠歌詩怨已成三年貫汝未聊生熙熙彼土雖云樂猶抱遲遲去國情碩鼠皂絲示約人從化玉樹歌淫國旋空蟋蟀戒深垂萬世由來奢儉貴乎中皂絲隰原尚賴樞榆蔭人主憂勤貴一身堪鄙晉昭徒自苦只將鐘鼓樂他人山有樞郵郵白石水揚揚宗國由來日盛強本末僕從師服諫爭交竊國似田常田之水沃土分封自晉昭子孫蕃衍喻園樾大夫休起盈升數宗本頹披爾遠條木楚網罟仰見星時危婚嫁禮難成却思王季興岐日內外供無怨曠情曠情骨肉凋零失所親徒行踽踽一身存不如杖屨春前樹枝葉猶能庇本根杖屨服御羔裘約

永樂大典

飾祛國人不懂反居居豈無它所勢持去思好猶懷未忍疎。未 孝養
庭闈士乃常。反教執役事戎行。悠悠仰面蒼天渺。失所何殊鴉在桑。世刊

晉國流風屬變移。武公反正思依依。誰知問鼎傷肩際。肯獨尊王請命
木。未 道左團圓杖杜春。清陰猶自庇行人。國擅須賴群賢輔。孤特何

為任一身。有杖之杜 敬生蔓野葛蒙枝。女子從人得所依。衾枕未溫征
役遠。庶幾百歲願全歸。晉獻聽境似來茶。竟從微隱殺申生。後王

采察能明遠。諧想雖多事不行。未 偶書 唐到開元極盛年。見人說
侶即欣然。時時夢裏長安道。驢背詩成雪滿肩。却卿持節使江皋。子勉

翔翔主部曹。我幸開門無一事。醉餐秋菊讀離騷。人無定志何從好。事
到難量尚口行。一理縱能消百妄。物情其奈正違迎。總題 無窮山轉

青龍峽。不盡溪蟠碧玉湫。西自鎮江南抵福。三千里路略相同。題遺山
先生手書雜詩後 文鏡親承警歎餘。又從珠壁見遺書。常疑落落江山

筆。下放奎光到玉除。雜詩 野人家具取宮中。通用都輸瓦缶功。若是
荆。劫建瓴得未。繞待費磨礪。較量暮四與朝三。初不多爭讓愧慚。慙

戀不成丹闕夢。劍南才了又湖南。夢歸故園蒼茫外。春老風沙慘淡中。
辛苦西臺臺下栢。不成還作柳花空。昨日清明塵障面。今朝上巳却晴

永樂大典卷九百二

五

明。老天氣候初無定。敢倚虛名作實行。人家構室要忻儂。小木枝撐易
作功。汝是連雲棟。隆物得來才。梓人工。同翰臣讀津濱唱和詩軸

草堂舊雨記相尋。細嚼津濱唱和吟。白雪調高難寡和。未結聲妙有遺音。
犀寒蒼渚奇逾出。氣奪元胎理更深。一洗向來筆笛耳。坐聽三峽馮瑤琴。

高山仰止為千壽。更對佳人與細吟。藝絕六鈞俱破的。調高千古得知
音。靜藏脫兔無窮變。法比滄溟不自深。客去灑然心境寂。滿軒秋氣入絲

琴。跋王內翰與木菴唱酬詩軸 木菴詩筆唐大暢。心印多從吏部傳。
約管一窺連璧句。月牕慵展碧雲篇。風流豈落明昌後。真率當隨靖節肩。

留取人間作道像。鬢絲禪榻話它年。程端禮畏齋集 夜讀友人詩。效歐公
贈沈博士體 陰風颯颯玄夜長。呼童秉燭坐中堂。手開薛子五月五日

書。陳章始言日月一去如前忙。覽茲節物對酒不能嘗。終嘆負才蘊志不
得展。坐及顏衰鬢蒼蒼。詞深意氣兀碑。讀之使我心徊徨。嗟乎薛夫子。爾

材誠高勿悲傷。是非由來兩茫茫。鳳凰在笈難雄翔。玉石同務一槩量。嘗
門九奏享爰居。西狩獲麟為不祥。黔婁手足不自覆。閭閻金玉盈其藏。儀

衍得志稱丈夫。孔孟奔走終皇皇。嗟乎薛夫子。生得時道可行。坐俾君民
躋康唐。不然飯跡飲水枕曲肱。死為善人稱其仰。嗟乎薛夫子。古言貧乃

永樂大典

卷九〇二

士之常。盜泉之水不止渴。惡木之陰寧為涼。雪霜不大擊。松柏無由乾。爾不見。靜清先生。曾蟠萬卷。留穰穰。志高太華。挾土方。吐辭驚俗。笑且儘。夏無完葛。秋無糧。先生之操。終巍昂。嗟乎。薛夫子。爾胡為。使我百感。集中腸。孤燈照壁。耿夜光。出門朝旭。升扶桑。無題。不為巢許。不伊周。老向江

湖萬事休。脫下綠蓑。仰脚卧。青山明月滿。孤舟。劉仁本亦玄集。漫成六首。淫水泥一斛。混流難清濁。砥柱非美璞。瑯琊將安施。莊嶽置齊語。衆楚

爭咻之。獨醒不可活。何不吸糟醕。柄鑿舛方圓。展轉禍所罹。出門涉遠道。柰此足力罷。仰天一長歎。我生胡不時。唐虞事揖讓。登庸八元凱。高周

德代虐。戰國干戈殆。項籍氣拔山。漢高力不逮。築城萬里長。亡秦乃胡亥。邇來問鼎沸。四郊多仗鎧。天運尚有恒。人心殊未改。甲夜起悲酸。冥號問

真宰。城頭烏夜啼。鄰鷄號噴噴。起坐不能寐。仰觀長太息。衆星何煌煌。四繞環中極。銀河浪不生。旋頭泯無迹。天道垂耿光。象緯森羅織。云胡海

宇間。干戈尚狼藉。真人坐法宮。明當驅鬼域。崑崙起西北。滄海巨東南。洪纖有萬類。化育皆春涵。王霸迭興後。厥德胡乃慙。漢以龍翔起。秦為虎

視耽。英雄橫割裂。民命已不堪。混一未百年。亂復如焚棘。文運苟恢拓。武德何時戡。十載風塵起。四海亂縱橫。或圖私爵號。或叛據連城。或指敵

永樂大典卷九百二

六

王愷。因之禍亂生。昨聞大兵馬。中原已削平。江南掣壺漿。日望王師迎。又聞到淮甸。會合出襄荆。應知稍足食。高秋氣肅清。渥洼產騏驎。溟渤生龍魚。豈是池中物。諒非棘下駒。風雷一鼓舞。天潢出雲衢。匪同枯涸鮒。垂頭服藍車。蹄涔鄙蛙黾。早樞陋駘駘。况逢伯樂顧。復值公子漁。天開捧玉駕。玄極扶鰲樞。漫成。絕憐海上覓神仙。童女童男采藥船。白日人間愁短景。未顏暗裏換流年。蓬萊已見成清淺。陵谷何知又變遷。却笑五雲香紫吏。陳辭再拜玉皇前。無題。學仙贏得維摩病。凡骨慚非大藥姿。玉檢每從天上下。瑤笙誰向月中吹。陰陽煅煉成丹鼎。沆瀣充明洗肉芝。會見此身先羽翼。飛車有約赴安期。胡惟仁詩。讀羽庭詩。圖成六十韻。委羽丹霞宅。弄珠明月宮。魂文當瑞世。高步遂蜚空。政佐東藩治。情輸北闕忠。及觀憂國詠。深識贊皇風。吳越干戈際。乾坤翰墨中。春陵哀困悴。梁甫惜英雄。陔海歌良吏。田湖謹在公。體應追雅什。律可協臣工。城役傍周道。河防念禹功。厲能今尚梗。懷古意何窮。美刺麗以則。編摩初有終。詎云王迹熄。猶見政音通。次第開群作。英華萃厥躬。思深淪幻妙。氣合動沖融。惟朕夫容綠。階翻芍藥紅。想移清晝日。吟送碧霄鴻。鄉夢歸還託。天倫愛益隆。下言輝杖藜。上憶茂萱葢。唯諾尋常語。慈祥豈第充。誦其文藹藹。聽者

識滅滅綺繡紛相錯波瀾迥不同片言居警策一字慎褒崇開闢分江漢
 低昂妙華嵩載誕九苞鳳俊逸五花驄開鏡環連鑲鋒銚劍在盤寒欺水
 井玉清泣露盤銅月映秋河桂霜凝曉岸楓驚鈴鏘藻賦鯨錦結雕欄姿
 媚何飄忽襟期必混融倖神殊變化任物賦纖洪問竊窺賢製伊誰擬鄙
 衷頌聲荒蔓草詞學擅雕蟲徐庾波流靡王揚燎焰烘柏松羞晚節桃李
 競春穠東華歸豪傑揚梓發賸聲哇淫方襟奉寥廓竟孤神韻敲宜玉度
 蕭韶合帝聰一麾那久外五馬又從東川堂金浮景山輝壁吐虹薦章交
 館閣脫葉播兒童風沼才名重鶴林紙價穹內人傳樂府使者致吟筒化
 日行宣朗卿雲覆爵蔥詔歸清禁直水染御香籠仙苑翔飛鷺天關詠雪
 駿賜袍題獸錦銘器表彤弓合是詞林虎寧淹僕府戎鋒車佇教迫瑣珮
 聽玲瓏小子惟狂簡生涯任轉蓬東書遊上國沽酒醉新豐荆棘長途暗
 塵埃短褐蒙投竿思老涓彈鋏擬歸馮杳杳迷方術依依賴替滕八能慚
 賦說一物咲倥侗頗効鉛朱抹難名繪畫攻苦吟三逞菊清掩半憲蓬款
 爾看千首令人豁兩瞳學鳩徒羨鴉叨鹿敢當熊鳴威車中鍾材憐雙下
 桐孰陶知有在蜀郡賴文翁李廷寓庵詩藁偶成時往草木幽事寂門
 巷閑飛鳥來親人故作可憐意風雨蕭然一室虛床頭惟有舊時書官

永樂大典卷九百二

七

閑不理西曹事自取芸香辟蠹魚春色堂堂不必疑浮雲流水任東西
 曉來一陣催花雨村北村南布穀啼春色年年自往來偶然行上妙高
 臺可憐荆棘參天葉一朵桃花獨自開五言四首顏色不如前舞袖
 無心著寄語過鼓人莫搥紅芍藥自舞不知羞欲罷更坐去今日看他人
 乃知前日醜對酒莫舞劍坐上客欲起為有傷心人如何要人喜梨
 園人散後處處霓裳舞惟有李龜年逢人淚如雨絕句喜覺西齋鷓
 影孤最憐殘月掛高檣一窻涼氣如清霧起看菖蒲葉上珠漫題日暮
 山光合雨餘溪水清可憐桃李樹猶有故鄉情溪水東流去春愁可奈
 何美人今不見門外落花多無題世事真難托微宗只自憐文章登
 第日淮楚用兵年薄宦春雲外歸心夕照邊長安無近使回首意茫然
 幽居無客至倚杖問韶華滿地生芳草開窻見落花衰年常畏酒多病復
 思家獨立無聊賴空牆散夕鴉劉彥朴索月旦評詩亂後人才久混
 井誰能着眼向高明汝南莫說先賢傳陝右重新月旦評妍醜固難逃水
 鑑重輕終不離權衡却防脂裏曹瞞至世上森雄要指名讀樂天詩
 寒齋坐無事閑觀樂天詩一篇復一篇終映不知痕撫卷想其人百慮春
 水澌便如飲醇酎心體俱融怡夫君古達者聞道起希夷胸中浩然氣不

爲富貴移立朝著直節終始無磷緇窮通等一致未見喜與悲放浪林野
間自比榮落期香出月明夜洛水花開時沉酣酒杯杓飄渺多詩癖襟懷
既夷曠文字無嶽峙雖言未嘗言真是忘言師人生能幾時飄若風中絲
巧拙全一死虛名亦莫爲得酒且開顏萬事姑置之作詩不必工醉墨徒
淋漓機翻我自穩任使俗人嗤古詩涉渚采春蘭蘭生不盈握我欲
持贈君路遠安可托昔者承君恩良厚不爲薄今君在萬里音書兩冥寞
我憂君不知我意君不察蘭葉何青青馨香隨風發安得入君懷爲君解
煩結悠悠終莫致脉脉心不絕髮衰日已白形衰日已槁誰於形髮間
不隨形髮老浮雲日夕變青山依舊好此理非智求不在讀書早欲看杜
陵花須上長安道娟娟圓月明照見我心懷明月豈不美我懷自不佳
黃河決金堤東南流入淮誰令州縣化爲狼與豺人命賤如土委棄不
得埋憂來望中霄北斗當空排攬捨不可視默默下西階農家初闢地
日夕把犁鋤荆棘穗芟刈新苗漸成區勤勞不自怠瘠土爲膏腴惜彼後
來人不念前人劬耕耘付童稚倉廩隨時虛遂令禾黍場化爲榛與蕪昔
以一人耕成此百畝居如何有百畝不能養其軀牛犢辭故舍華屋爲丘
墟牧豎不忍視落日空躊躇蘆葉何旎旎稻葉何垂垂至寶不外眩高

才恒自早鄺生白首狂寧子扣角悲齊中有所負何必常人知念彼輕薄
兒衣冠空陸離氣隨黃金盡皇皇竟何之古來觀人者不輕微賤時早
起坐東軒晨風吹我衣初日出海上蒼涼無赫輝翳翳新木榮交交群鳥
飛木末蔽原野秋實已離離雖非已所植私欣雨暘時亂離得安處貧賤
何足悲上山行採薪下山行採蘭採薪易粟歸採蘭棄草間雖有君子
心不如桃李頰方知出山賤不如長在山我欲遺所思路遠風雨寒嗟哉
不能顧俯之淚汎汎道傍華表柱下有百年墓不知何代孫伐貴墳前
樹伐樹尚可思畏官留禁步棄地與他人道骸一朝露薄葬古所教雖貧
反能固堂前兩株樹朱夏結層陰相看坐終日愛此歲寒心故人離亂
間寄我孤桐琴不辭涉遠道以我爲知音登山覺山高汲井知井深不經
洪爐燃不識真黃金丈夫同患難方知尺與尋傷彼市廛人滄滄安足謹
荷花未出水荷葉已田田何不飄流去中有藕絲牽荷葉牽藕絲欲去
不得去客子萬里行棲遲在中路豈無田與廬豈無親與故丈夫旣出門
雖親弗能顧去爲人所憐歸爲人所慕安能隨燕雀低飛度朝暮
秋風起撼撼庭樹鳴浮雲有涼意白日東西行路有羈旅人自言久徂征
去年役交河今年戍彭城上功在幕府官職未分明長鎗不得用黃金有

餘榮荆棘被原野流水不復清無官亦歸去天下何時平 遊子念故里
日夕心懸懸微軀下自保達道何當旋獲琴欲撫之一撫兩絕絃蒼天一
何高海水一何深山高與水深不如游子心安得雙羽翰歸飛投故林
婉婉良家子娟娟好顏色芳年不自愛誤爲鄰里識一朝入漢宮引過長
秋側雖然不得憐名在宮人籍已矣復何言芳菲從此畢 蘼蕪生水濱
綠葉何委蛇間以蘭與芷被彼清江渚清江起洪流化爲濁水泥憔悴勿
復道飄零渺難期所願蘼蕪草微根當自持 浩浩天地間二氣相推移
流行不暫息生物適其宜天地不生物用此將安施斯人七尺軀不與衆
物齊聰明百骸具豈但食與衣晨興暨夕息凜然當自持 披髮晞朝陽
樓邊陟行路春風吹百草歲月忽已暮客從海上來潔白如秋露吹笙駕
玄鶴縹沙雲中度教我服華池令我顏色固 童子十二三汲水西澗阿
水深不可汲白石生清波俯首淮雙足既行亦既歌上山采紫芝下山牽
綠蘿手持一尺葦捷若猿猴過恐是黃初平驅羊下前坡我欲往詢之奈
此頑劣何 幽幽山中寺釋子二三人晨興擊鐘鼓誼誼誦靈文齊罷各
分散寂然無所聞或生長松間或行清澗濱采花獻佛前不喜亦不嗔山
頭日未出有客來扣門自云西州去牧牛三十春問之無可言長歌下青

永樂齋卷九百一

九

雲 晨起坐西齋群峯淨如寫初陽上其巔白雲在其下復有丹碧林闌
斑綴原野微風披拂之庭戶亦瀟灑優游得清說顧我何如者夢幻既非
真榮枯諒成假諸緣隨所遇悠然坐蘭若 亭亭長松樹白雲護其巔飛
鳥不敢下伏苓已千年蒼鼠從何來便捷不可言倏忽在其後倏忽在其
前睚眦利指爪枝葉無由全念彼歲寒姿受此微物牽驅之不得去撫之
徒自憐 丞相出午門大夫已來迎兄弟同一家無相猶以爭豈曰無他
人雖賢不如親晨出與暮歸以保我弟昆劉文蔚公集口號 竹外花連
屋溪邊柳映門看山無俗客邀月有芳樽 雜書十首 雷兼電擊威何
壯雨挾風來氣更豪坐待紅雲晚晴後靜聽蛙吹起城壕 雨後蟬聲特
地聞自諧宮徵和南薰千門萬戶垂楊裏無限清陰總屬君 階下茂蔭
開已過稀稀枝葉不成叢晚花三兩看時見也自芳心向日紅 樹頭蛛
網車輪大遮得蚊蠅已數回可笑無心蝴蝶子邊傍飛去復飛來 溶溶
野水淡雙鷗閑煞夕陽影外秋忽見沙邊有人立貼雲飛去不回頭 兩
燕巢泥居屋底群雀穿穴巢屋顛昨宵雨自雀巢入燕室墮床人不眠
雨勢未知幾日止不計屋漏怕敢傾雷門巨剗長一尺時與井蛇相亂行
今晨好晴氣不濕家家箱帙滿庭中當天赤日照如火群蠹鏤成須臾

永樂大典

卷九〇二

紅 北堂玉簪關未開。客贊昨夜涼風來。佇日東南一千里。白雲終日只
 裝回。有感全前月。貧家男長愛娶婦。富家女長不出戶。貧富相傾理
 或然。男女失時更可憐。六言二首 經營郭外二頃。棲息城中一卷。莊
 吏能知魚樂。宋宗嘗與鷄談。細者先典舜典。熟誦周南召南。管甚東塗西
 抹。從渠要四朝三。天上人間華屋。水邊物外茅菴。須知豪客歌吹。不似
 儒生笑談。好是拈紅拾綠。爭教看北成南。黃塵萬事紛擾。青眼吾儕二三
 外兄魏鵬舉以大銀詩一篇見示。仍令僕亦賦之。及云。何處新題亦宜
 致思。輒成古風一章以答之。魏公卓犖真好奇。英才落落惟耽詩。偶觀
 物象動佳興。行吟坐詠運如飛。揮毫一賦不容改。自然如匪用意為。連篇
 累題出新險。燦然相映金玉輝。辭明理當愜人意。傳寫相告誰敢非。近來
 變例賦大銀。全篇語意新尤新。恰如驪珠出滄海。照耀世目無纖塵。少陵
 謫仙所未有。欲誦直恐驚倒人。寒齋書生苦多病。社門不出聊養性。朝吟
 才思還廢井。硯池生塵筆常凍。有時開卷能自娛。却得終朝對賢聖。偶看
 君詩心茫然。搔首徒能發孤詠。作意欲效西施顰。破足莫逐霜翻勁。新題
 故賜安敢為。更待宗工示龜鏡。醉中聽智仲敬 訶喜而有作。眉厖
 齒白歡頰紅。足盤青篋角隆。兩手捉膝氣吐虹。目脫屋梁頂摩空。搜如

永樂大典卷九百二

十

寒鷲望四野。突若驚鷹起絕峰。頂史問口水湧風。潮翻欲與長河東。誰知
 乾坤萬古恆。特氣泄此方寸飢寒骨。初為漢祖大風起。次擬荆卿別易水。
 邈然古意動悲壯。慘淡風雲酒罇裏。忽吟結客少年場。吳鉤錦帶照塵光。
 恩讎生死一語頃。凍髮直上鬢鬢張。復為廊廟廣歌曲。上有明明下穆穆。
 民無大札物無疵。四海一家均五福。傲情却作行路難。長鯨翻海虎滿山。
 李白悲歌阮生哭。弊車贏馬愁長安。酒闌日落風色黑。寒燈耿耿月掛壁。
 微吟轉入楚騷城。切切門前山鬼泣。客飲不醉恹不歡。我獨起舞呼且譟。
 文章大是寫心具。如君氣象律玩誰能攀。古人已矣不可望。一笑逢君千
 載上。劉將孫養吾集約畧雜詩 楚水浩浩白。楚山悠悠青。人生自失路。
 山水初何情。重華入愁雲。開闢環我纓。快然各千載。笑汝空一生。長風渺
 湘波。汝屈何由平。興衰晝夜事。反覆今昔同。可憐仁人心。思死不思從。
 明知力不及。誰遣身適逢。販鬻有奇利。守方無駿功。一紙西山西。一霸東
 海東。人生無智愚。用舍隨其向。儻能采葑菲。往往見所長。當其未必意。
 百計無一望。因依豈非命。遇合如有相。張良本為韓。陳平亦事項。才難
 聖所嘆。千百不一全。能言未易得。况復可繼傳。大官老於事。肉食偷目前。
 方當竊先寵。肯顧擇後賢。絳灌第一語。老死賈少年。事主敢不忠。忠乃

特未易指軀欲奚為中道咄非意是非或有局忠邪亦易位一時容異見
 千古尚倒置嗚呼東市車此豈鬼家事大厦亦既顛一木何能扶况乃
 非棟梁曾不比樁樑彼皆無責備此獨有遺誅公卿置何地文字累老儒
 寂寞楊子雲見稱莽大夫小兒必解事老父何足記頃時床下拜終古
 眼中媿新交陰郭家平視壽張氏風生臺閣上寵列諸王次固宜伏波氣
 歲晚困帝烟人或恃故素安可知平時警忠益一語成嗔麻布衣忽逢
 青雲友舊意更先疑子陵作故態鼎足無益辭狂奴固當爾君房殊可兒
 狂俠世共喜事敗有餘德吐哉皆惡子生致人死力風塵豈純臣劔虎
 傳健翼君看判昏者此豈嘗失職時平一偷兒世亂兩漢賊俗下未易
 居浮沉不可諧諛之為見玩嘿謂我不儕但平或可判好語猶亂階不能
 皆達人誰當怒中懷德操尚可事達人好復佳百年未易料何往非失
 身功名國震世亦復多誤人中道失知己小兒共經綸十年出師表磊磊
 悲如新一味孝正語此豈高光倫勲業各有天才智竟無與伯符志不
 遂公瑾年忽暮高臺銅雀春黃屋臺城路赤壁固依然江東兩坏土二橋
 幸遇君君亦二橋誤英雄有感志百鍊居然柔驅馳一世倦歷落身後
 愁遺言教責履想見訣渾流美人內隱笑世子外回眸何待伏魄時已忘

永樂大典卷九百二

十一

西陵丘大緩人所有小靳非人情乘危作險語何能不疑嗔君心人豈
 知君語非所陳造然豈友道餘悔不藏身暮年王茂弘涕涕周伯仁遂
 非何不主中媿鮮自道誰能當末路未肯忘始好初心盛德事日暮行顏
 倒古人有風致語竟見懷抱處中慟伯仁桓公念阿濤名輩不可高同
 流何濁清名猶天所忌况乃自立名邂逅有相逢恩怨不自明虛裁了何
 益實惠安可嬰平生度元規晚拜陶士行士貧惠無主事主欲親已親
 猶恨不容密獲全者幾奸雄志負國疑忌及妻子此猶凜不保爾乃何足
 恃吐茵炭殆哉窺饋憶死矣少年輕前輩新貴喜失序虛名隨位起流
 俗浪文許英賢意寒落鼠子成乳虎歲寒何足較人事亦多故向來王逸
 少坐塊小懷祖山河向寂寂喬木嗟久衰雲間昔已溢洛下相娛嬉朝
 遊王和同莫宿劉樂隨身猶先一革事已被一時低徊渡江來乃識蔡克
 兒人生有邂逅所托非所願物論極無情心迹誰與辨噫嘻落帽狂豈
 有人幕戀髯叅與短薄談笑入文獻益嘉盛德人老讀桓晚傳六合方
 內外意實各一尚朱門玩海鷗故覺神氣至高獲遊塵間談辨雄坐上或
 云古無有彼道焉得放不見元嘉間嘗有黑衣相六姓更逐鹿南北涕
 問鼎熾然驢九錫紛若夢一頃何者非奕棋乃有愧未泯姓朝牛廬墓史

誚士不避如何千年齒。獨笑芳回冷。晉陽家化國。首事子推父。擒充入
牧實。平采逐誅武。東宮漫長嫡。統業誰基緒。縱無玄武門。可但天策府。願
笑魏鄭公。歡取萬餘虜。數緯聖不道。機讖吁何祥。所徵輒亂萌。發覺幽
豫防。如何比造命。拱手待成殃。英明有時昏。祗席養戈斯。但疑女君美。呈
識武媚娘。古今有大笑。枯楊晚華出。蟬娥齒髮落。未肯沮擇匹。墮身奉
君愛。身亦竟狼籍。彼淫固自取。渠命豈不惜。蓮花張六郎。老武八十一。
語言誰不美。肝肺鮮如流。賈高對滕公。令伯念母劉。十年真寒寒。情語罕
其傳。靈武黃瓜辭。蓬萊家事謀。吾評唐名相。三數李鄭侯。知士明觀火。
仁人心持衡。官闈禍東都。以權不以兵。大歷衰失馭。神策監專征。任文固
姦朋。易置亦忠君。崛彊昌黎公。曷賦水貞行。論勢不論理。盜或非所惜。
苟安不慮遠。事有願因循。涓涓既成河。滔滔愈無津。固知多荆棘。長此待
何人。不曉白樂天。風諫平蕃鎮。官海古風波。高位危竿伎。况復問亂離。
安所盡命義。一朝姓七八。忽起羊三四。富貴不掩身。瞬息無嚙類。漫今馮
瀛王。得證佛地位。淵明節高世。甲子書微茫。子美窮念君。同谷歌悲傷。
可憐天復末。羈絏圓困場。故官署庚子。事苦無名章。得非韓致光。坐累香
奩香。杜平開日與青山暗。詩各得數解。層陰緩轉厭。呼茶手倦團。緝

永樂大典卷九百二

坐半斜。忽聽一哇鳴。草際呼童。看履探荷花。綠陰啼鳥不知名。午睡醒
來。獨自行山下。行人應羨我。誰知愁是此中生。飛鳥帶將梅子落。癡蟲
打得紙窻聲。莫嫌獨坐愁如海。清眼新詩拾得成。竹林風定日流金。人
似遊魚抱釜鬻。道是無情如有意。時時一霎故輕雲。日長談倦厭拈茶。
怕惹閑愁懶賦詩。忽憶故人天外出。綠陰濃處立多時。莫將幽夢攪天
涯。珠簾涼厨鎖碧紗。自愛竹床趺坐久。起來蒼菊已開花。設題。力屈
塗窮定某州。如今草莽是何丘。已傷無哭田橫處。乃有追評葛亮謀。劍氣
聞寒孤拜斗。龍光變滅蜃成樓。達人。不忍重相問。時倚空庭淚酒楸。穿
窵厚厚此舍人。零落靈魂托斷雲。萬里忠精託高廟。一函枯腊從先君。越
吟已復江南些。漢土終無海外墳。故舊盡哀知有處。西州鞭語不堪聞。豫
章熊朋來集奉還皮曹贈北遊詩。桃花人賦長孫枝。虎豹傳斑繼子皮。
衰朽無因出門去。感君示我北遊詩。紫極道士葆藏蕭水屋。親寫送伊
祖師住浮雲詩。因火韻。寫韻蒼楹頹水村。西南其戶正臨坤。莫談李洞
浮雲觀。愁見桃花今日門。屋客何期詩。聞世羽人已有子。傳孫此山恨欠
浩翁句。讓與尋陽逸散軒。趙開闢醉寫陶詩三首。卷末云。元元元年冬
寫詩。鬚雷在傍大笑。雷蓋澤源公。希顏也。按元元元年。當宋嘉定十六年。

九月庚子朔食既。明年宋寧金宣俱登遐。又十二年而金亡。開闢醉寫
湖明詩。髯雷大笑成歡。是年戈鼓季秋朔。明年元光無光輝。公本三月
那德自金奔宋。言金改元。化漢為晉。笑曰。非元光乃無元矣。一星未周世
運去。酌酒匆匆風景非。義帝死。周城中斷。莫木平。而城陷。伐有與亡何處
避。呼精金虎御天機。道藏。趙周宣王時。閻空中歌云。金虎入門呼。長精吸
皇采。任下史曰。言太白入平。或射有此。乃棄官隱去。可憐士生遇此際。
不有淵明吾誰歸。結廬豈免在人境。閱世從知與我違。安得梅源遍平地。
不惜草露長沾衣。陶詩。趙墨那忍讀。倚瑟再疊西山薇。馬虛中霞外集。奉
酬。秦軒蔣明府。惠詩集。六義陳國風。篇章著三百。齊梁變浮靡。雅道日
崩迫。大曆拯頽波。雄鳴破昏惑。有如赤水珠。妙在心自得。秦軒係門老。赤
手探月窟。折得芳桂枝。月姤不敢惜。吞香入肺腑。出語固超特。夜久虛室
靜。淡矣月光白。一讀四古心。再讀動精魄。乃知天地間。元氣運不息。高松
挺節操。東升夫顏色。小子愧學詩。應當取其則。偶成。松風寄一龕。蕭
瑟我相語。雲海鷗盟冷。名場蟻戰酣。復須經實地。道豈事虛談。世態從欺
老。欣欣雪滿鬢。昔嫌上界多官府。不道人間足是非。四十年來悲喜夢。
倚闌閒看柳花飛。黼黻青黃入眼迷。升沉人事理還齊。曾看知北嘗論

永樂大典卷九百二

蝶。不是巴西錯放麩。百種時情雲擾擾。一場春夢草萋萋。此心肯與南風
競。已向蒙莊悟木鷄。兩奇嗜好慣相諧。欲寫天然下筆難。畫舫人歸歌
舞散。老夫獨自倚樓看。善政猶如草上風。聖賢法則豈無同。失時謾使
嗟陽虎。迷古誰能祖鬻熊。治亂班班方冊裏。江山歷歷畫圖中。百年多少
浮沉事。不及棧頭把釣翁。殺雨聲連四月初。閉門鏡石久無儲。貧伶杜
甫常賒酒。老愛邊韶懶讀書。鄉里小兒相爾汝。蒼樞孔雀自親踈。生生化
化趨春意。誰羨華鞞樂有餘。讀石田詩有感。吟看三數過。不覺爐寒
燈意趣。無非道。文游半是僧。課書貧自樂。蠟燭夢何曾。自後言詩筆。苦心
終未能。雕搜運不到。姚賈是宗風。勢立典刑上。句存規矩中。片雲孤嶼
遠。寒水夕陽紅。此理言難會。真心感化工。悟門難築入。轉讀轉堪傷。天
地因經緯。風騷張紀綱。高秋明素髮。老菊傲繁霜。物化精神在。心中何
亡。無題。華轂高軒做世塵。一枝筇竹喜相親。精神我愧鴻都客。甲子
誰同絳縣人。悠遠山川終古在。鮮妍花草逐時新。故文霜葉凋零盡。欲話
當年記不真。戲衫碌碌戀癡人。傀儡棚前錯認真。事去謾勞添註脚。愁
來悔不早抽身。淩魚未解莊生樂。社鼠寧知晏子嗔。桃李無心自開謝。可
堪春色太逡巡。輕肥乘馬我無能。糲食囊衣寄此生。游淡每懷黃叔度。

永樂大典

卷九〇二

巧言休恥左丘明。經天日月分邊遠。行地江河自縮盈。大道甚夷民好徑。
 等閑貧富不須驚。堪憐堪嘆苦耽吟。吟苦何堪造物嗔。容陋影慚窺井
 母。時來功立販給人。長鏡短榻秋云晚。白髮青燈迹已陳。只有西山無限
 好。暮雲歸鳥自情親。讀唐僧詩。高僧吟興苦吹萬。各秋聲。看物鬼難
 測。為容人盡驚。力回千古意。氣逼五言城。輸與無心者。輕輕道得成。詩
 思。本與名言絕。乾坤鍾氣清。靜中收拾得。閒裏琢磨成。美刺明時化。幽
 微索至精。不曾親悟入。似隔萬重城。毛詩。六義關風教。吟須字字安。
 苦心雕琢易。出口渾成難。道合天心動。篇終鬼膽寒。極玄言不得。休作等
 閒看。護成。暖催花雨濕。行塵脉脉。軒欲損。神間憶少年。如昨日。只
 疑樂事是前身。黃鸝紫燕春仍好。刺水殘山物日新。可惜白鷗波浩蕩。扁
 舟老却釣魚人。林間把酒山鷄舞。竹外支筇野鶴隨。醉卧落花春不管。
 醒來惟有白雲知。松風滿屋散輕濤。老圃無心事。枯槔脉背簷前趁。斜
 日。怒爭梨栗笑兒曹。徑曲交加鎖竹陰。不教寵辱到林扃。心閒莫道渾
 無事。粉落松花汙鷓翎。參天楊柳手親栽。一院西風戶牖開。落日尚餘
 三四尺。山平水遠看秋來。區區得失付酣歌。誰信單瓢得意多。荒徑久
 無桃李樹。不知春事已如何。遠籬絲藕開黃。怪離外青山。取火橫一陣。

永樂大典卷九百二

十四

晚風寒霧欲增。前待得月明生。九日離根菊未黃。無詩無酒惱秋光。偶
 思巢燕歸飛盡。自理枯蒲葺草堂。漢蠲初肥蜀酒香。村南村北稻登場。
 白頭羨殺田翁樂。醉向茅簷卧夕陽。小春天氣未生寒。級樹未標正入
 看。昨夜海棠開數朵。一雙蝴蝶上闌干。新霜尚薄樹聲乾。寒水無痕倒
 浸山。知是釣船歸較晚。鴉鵲啾啾起蘆灣。飽霜紫芋細凝酥。旋撥寒灰
 出地爐。慚愧鄰家新酒熟。客來沽得滿葫蘆。野花芳草三春夢。楚水吳
 山兩地愁。心緒晚來禁不得。半身斜日倚江樓。曾向山中靜結廬。雲邊
 煮藥自煎蘇。不知白鶴巢松樹。占得門前第幾株。世態半趨向背機。眼
 看朱碧旋成非。山桃野杏春猶淺。早有青蟲化蝶飛。蕭蕭野老髮垂肩。
 家住胡西杜若煙。載得芟根入城賣。西風落日滿歸舡。草木凄涼露未
 晞。秋蟲瑟瑟漸聲底。竹窻夢覺湖光白。月在鄰家釣艇西。風琴流響韻
 虛堂。湘簾歌眠水一方。靜裏數聲茶剉乳。鷺深向綠陰藏。眼底紛紛
 五色迷。楚人元不重山難。老夫驚覺槐陰夢。悟得南華物理齊。槐柳交
 陰日正長。荷花荷葉滿回塘。人間未必渾無暑。心地清涼著自忘。老圃
 秋光亦可佳。淡煙涼日自生涯。儘容詩酒酬清事。丹桂枝間第二花。珠
 絡楂橙滿閣垂。欣欣節物暖爐時。膽瓶小巧偏堪愛。挿得檀梅一兩枝。

長憶成人總角年，學吟終夜不成眠。精神消盡今頭白，祇得詩名不用錢。
 夜雨膏濃曉又晴，熙熙景物象升平。中鷺只在花開處，誰識桑中布穀情。
 槐陰滿院喧巢鷓，蜜房香老蜂趁衙。鄰家艇子釣魚去，水光搖動金蓮花。
 移榻松陰避月明，天河萬里度流星。仙遊夢覺蒼華冷，猶聽鶉聲來杳冥。
 西風吹雨十分涼，店舍新菊拍甕香。淨洗瓦盆剛菊本，老夫作意做重陽。
 老我何堪樂自全，不將造物強枯槁。貪眠又過希夷子，一夢人間七十年。
 枯蒲風急駭栖禽，紙帳燈昏坐擁衾。門外霜華如練白，不知何處尚鳴砧。
 飯罷迴廊轉數遭，不知積雪重林梢。自憐迂僻人多笑，洗竹交加助鶴巢。
 勝景園西石路平，瘦筇扶我過南屏。希夷名在庵何在，應是先生睡不醒。
 北風小雨戒新寒，隔水楓林葉已丹。莫道關門知已少，白鷗飛去又飛還。
 隱隱寒燈竹院深，暗風吹雪打窗聲。利名不入蒲團夢，一衲蒙頭坐到明。
 斜陽日日過山坳，鐘磬相聞隔水敲。生事一盂鐘粥外，靜看林下鷓爭巢。
 燕山楚水曾為客，慣聽霜砧搗月明。不似新愁怕新鴈，秋風吹落兩三聲。
 晴日穿花暖似烘，風簷微動玉丁東。山童睡起心無事，所得筇枝補鶴籠。
 岸柳禁風葉漸疎，乍涼還試夾衣初。雨添秋水入籬落，閑看鷺鷥行捕魚。
 酒能醉客心難醉，詩解窮人思不

永樂大典卷九百二

五

窮千古湖山百年事，倚闌分付落花風。芙蓉露濕天宇清，星河淡淡蟾蜍明。
 西村知有夜船過，撥亂一群鸚鵡鳴。雲歸雨歇湖水平，五色蟬蛸山邊明。
 唱歌舟子採菱去，十里柳堤蟬亂鳴。煙水微茫沒釣磯，物情人事兩依依。
 楊花自逐東風去，空見漁舟日暮歸。送客河橋恰別懷，露花煙草見船開。
 傷心不及梁間燕，又逐春風冒雨來。西鄰張樂通宵飲，野老耽吟盡日詩。
 總在天機流轉裏，可憐樂處不相知。耶律鑄雙溪醉隱集。目題詩卷下字工夫大，協音格律深，不唯穿月脇，當合出天心。莫街編苦疾，尚知織錦邊，篇篇何警策，字字更清奇。做古倚倚無粒粟，西成收不得，供盡天地間，千年萬年食。鬱鬱無影樹，無人得攀折，障盡天地間，千年萬年熱。戲題近日所作詩卷末。誰擅風騷上將壇，頓還青觀據吟鞍，自然倚伏行藏在，未要關人作話端。擬古水涵春色柳涵煙，半是人間半是仙，簾底東風吹夢斷，一顰花影月明天。門外西風斷續歌，曉聞行李過滄沱，得封侯也知何日，人道仙郎鬢已皤。沈沈鴈影落雲邊，雲邊鴈影橫秋天，秋天一望萬里沙，行人猶聽鳴悲笳。悲笳一聲悲欲絕，雪紛紛兮風烈烈，玉泉溪上多舊遊，舊遊別後經幾秋。和林城西看春柳，何如笑傾杯酒，百年身世一夢中，夕陽相對空回首。和延年

所誦小詩 月滿風簾醉夢殘 松陰深碎玉欄干 如何又是沈沈夜 持比
尋常分外寒 載賡趙虎巖詩韻 羅列征鴻字不欺 天涯牢落正幽居
故人何處秋光老 愁把蠻牋草草書 人生能得幾清明 得亦爲榮失亦
榮 爭後便誇饒勝事 五湖煙景有誰爭 偶得 鴈時遊子不禁愁 把酒
悲歌醉即休 林枕夢迴情味惡 滿天風雨五更秋 舟中讀仙伯詩歌
金門羽客傳仙伯 雕章繼賀登瀛客 錦囊滿積驪龍珠 冥搜得自蛟龍宅
豈無神物爲護持 未許塵凡探幽蹟 金山萬丈安可升 玉海千尋不可測
遂被聲歌歌一曲 四望煙霞皆改色 浪花逐逐清風來 客與舟 舟名
橫玉溪側 凌波揖揖水仙府 獨上蘭洲登醉白 馳情何許望成連 水與
青天等寬窄 張西岩集劉靜逸索詩 靜則不動體 逸乃不勞理 何以見
不動 月墜寒潭底 何以見不勞 雲歸故山裏 欲求二者功 且且反諸已
讀陳節齋詩刻 心遠亭高樹拂雲 繡水一去幾經春 壁間好護題詩石
再見如公有幾人 不見當年老節齋 傷心遺蹟半蒼苔 讀餘風起庭前
樹 猶似英靈到此來 方塘頗倦以此壯之 纔渡清溪懶着鞭 白雲嶺
上莫留連 與君馳下坡陀去 一簇人家是玉泉 三月晦日 雪帽風裘
出帝京 與春同到濟南城 明朝春又堂堂去 判約飛花與送行 日長人

永樂大典卷九百二

寂簿書稀擬賦春歸第二詩 可是東風尚纖巧 亂飄飛絮冒游絲 選杜
鰲山詩 鰲山人去已多時 獨對遺編動所思 墳上不澆千日酒 世間空
愛七言詩 追隨工部仍多感 摸擬樊川更好奇 昨夜燈前選佳句 疾風應
報九原知 曹杜聲名已並馳 楊王蹤跡久相隨 千篇雖富少青眼 一字
未安空白髭 得法初從鰲嶺學 命題多是相州詩 可憐十五年前死 不見
中原混一時 和張秋山壽詩韻 今年此夕倍光輝 新得秋山七字詩
濟水傳來仍有派 寓齋仙去更無師 清如映月梅花朵 老似經霜檜樹枝
忙著錦囊收拾起 他時不獨詫吾磁 安仁薄具帝弼以詩求跋 燕都諸
公送行詩既題其後 復用來韻 都城桂玉不關心 日日長吟復短吟 冷
地誰逢人薦譽 清朝半是子知音 一封黃紙中書牒 八品青衫主簿箴 五
老峯頭舊遊處 停舟爲我一登臨 張子淵集上京紀行詩 世祖龍飛奠
兩圻 歲時延蹕重依違 十官扈從趁黃屋 三子聯鑣總白衣 眼底關山生
藻思 馬頭楮楨發光輝 詩成京國爭傳誦 太史遺瞻動少微 晚成 久
早妨農稼 雲霓暝不開 強風秋愈壯 好雨夜深來 元帥嘉猷聞 官軍荷鎧
回 已虞儲待匱 川陸轉悠哉 元朝風雅擬 古四首 涉江米夫容 江水何
澄鮮 朱華映朝旭 窈窕薰風前 相望不盈咫 風波良獨艱 獲之置懷袖 撫

永樂大典

玩空長歎。春榮衆所慕。泯默無復言。孟冬寒氣至。眴彼庭中樹。忽得故人書。中有相思句。故人隔異縣。相望良獨苦。候蟲鳴廣除。落葉被衢路。凄其對摧落。登高詎能賦。白髮生鏡中。荏苒流年度。故人歲寒姿。亦有濟勝具。相期佩飛霞。共飲金壘露。青青河畔草。春至不復腓。延緣被陂坂。飽彼牛羊飢。荏苒時序遷。王孫終未歸。西風一蕭瑟。楚客空傷悲。安知壯士心。金石乃不移。陰陽無停運。垂柳生金絲。鳥鳴百花開。迴首乃爾爲。丈夫貴自勗。千載以爲期。明月皎夜光。出自河漢東。衆星爛以繁。牽牛正當中。永懷乘槎人。上與河源通。遊遊往從之。杳杳將安窮。至人凌倒影。千載幸一逢。願言攬其袂。一洗塵埃空。乘風遊汗漫。歷天九重。有志未能就。憂心徒忡忡。絕句 磯頭繫漁艇。林下訪樵牧。炯然一白鷗。獨有滿潭綠。獨酌玩溪水。溪水清且澗。山月忽飛來。皎然誰與期。酒醒恍山桂。流泉夜彈箏。獨上青峯去。中天見月明。坦坦黃金道。蛾眉七珪車。莫隨雙燕子。容易落人家。無爲人所憐。前有億萬年。後有億萬年。寓形此穹壤。百歲指一彈。古來多少人。滅沒已不聞。草木與同腐。可憐生世間。獨有聖與賢。明名長久存。聖賢在世時。小心常畏天。終始履周道。沒身無過言。所居至廣大。靡物可與權。萬乘不爲慕。一瓢亦自尊。我當師聖賢。無爲

永樂大典卷九百二

十七

人所憐。古意 美人挿新花。恨不逐時好。花亦解自憐。紅顏易成老。偶題 修竹千竿萬卷書。水明沙淨稱幽居。春風架上吹殘簡。時復晴窗落露魚。永夜觀兒課舊編。小窗燈火憶當年。曲肱自笑不成寐。月上瑤琴第五絃。雪夜題書玉署深。思山便欲寄瑤琴。征鴻若問平安信。河漢東流是此心。絕句 繡簾鈞月夜生涼。花霧霏霏入畫堂。吹徹玉簫人未寢。更添新火試沉香。金吾列侍擁旌旄。五色雲深雉尾高。祝草詞臣方退食。內官傳勅賜櫻桃。出門何路覓亡羊。日日紅塵枉了忙。笑殺東齊趙夫子。不來看菊過重陽。無題 自古功名孰盡酬。平時閱卷詫封侯。萬言未試人皆惜。一士難招國可羞。豈必後來供醒醉。若爲諸老獨風流。黃塵哀哀將年待。佳事悠悠與酒謀。聽兒讀衛詩。羔羊同時趙素絲。抑抑有老尊其儀。如何多善臣子國。猶有北門懷任詩。人生仕進亦偶爾。出門入室同一軌。書聲聽處千年心。霜月瑤缸夜如水。吳禮部集五言絕句 客有談獻玉絕絃事。因賦二詩。荆璞寧非遇。卞和猶識真。識真不自保。翻恨世無人。識趣全琴在。賞音千載期。朱弦何用絕。自責不求知。題謝先輩君境兄弟詩卷 謝氏家聲舊。今猶好弟兄。依依對床語。惻惻在原情。露萼花難減。春池草自生。殷勤同姓老。望爾早來京。題李天

永樂大典

卷九〇二

台戴氏詩後。大監能全節。傳家在一經。寧為重席講。不作鼓琴伶。霞映層城赤。春留故樹青。聞孫偶相識。三嘆想儀刑。或希尹者。為軍器大監內附。後或為之不起。有子也。與僕子同做亦辭。僕子仕王果賢直學士。

讀陳後山詩有感。我名異世偶然同。身世沉微轉更窮。寄食尚憐從

郭祭。賞音未易見蘇公。病假自秋徂冬。因讀詩及楚辭。後語集成雅言。

秋風草木黃落。日夕羊牛下來。征夫心亦憂止。蜀月子還歸哉。昔往楊

柳依依。行邁未稔離離。懷歸畏此。健怒靜思。不能奮飛。結幽蘭而延佇。攀

桂枝兮淹留。望美人兮未來。思公子兮離憂。日宵宵兮下山。風飄飄而吹

衣。臨清流而長嘆。望青山兮不歸。歲忽忽而道盡。老冉冉其將至。心鬱鬱

之憂思。夜耿耿而不寐。鴈雖離而南游。猿啾啾兮夜鳴。天慘慘其無色。荒

亭亭而復明。吳舜舉吾吾類。藁擬古。義畫闌人文。立德繼玄旨。斯道古

攸敷。卒乃澹末技。詞華鄙瑤瑤。何況靡工緻。既貽俗眼嗤。遂為知音棄。魚

目殆非珎。燕石渾瓊珥。綺麗炫頰波。澹泊啓高致。焉知大雅音。詮諷含六

義。神龍蟄重淵。豈偶介與鱗。變化入冥漠。倏忽致屈伸。歲深苟無欲。此

性安可馴。清晨滌塵慮。拂拭龍脣琴。冰絲映玉軫。宮徵發微音。一鼓別鶴

起。再鼓紫鳳吟。自非山水工。曷契鍾子心。貞士夫知己。何自免陸沉。嘉遇

良難必。聊且慰冲衿。寒水涉湘渚。紫蘭泛幽香。折以遺所思。奈此道路

長。采芳湏及時。過時萎且黃。不念桃李年。離別隔兩鄉。何當早還歸。慰此

飢渴腸。寶氣吐光芒。夜燭霄漢上。孰云久滄時。精米動星象。由來至神

物。變化非可狀。離合速虛同。顯隱何由仗。冥思掘微初。博識啓浮獎。先

正邈云邁。名流若晨星。餘光安足仰。竟莫資典刑。叢晨殆黃虞。去余幾千

齡。溥源就湮塞。徒茲守群經。苟非述作功。鮮寐何由醒。炳炳垂懿則。頗側

昧與冥。四壁但蕭然。蓬蒿蔽幽居。豈復計貧餒。志在古人書。我來慕高

誼。仰止將焉如。清風百代上。遺言良起予。在昔矣運總。餘燠起良圖。君

臣及際遇。魚水相與俱。乃知長嘯時。興懷佐廟謨。賢輔著伊呂。茲士顧不

殊。乘未南陽者。孰識為鳳雛。出師戒兩立。懇懇忘勤劬。功名照前代。千載

擅八區。擬古襟詩。抱美不自獻。孰識費下才。乃知荆山珎。終以石見

猜。鳳雛未高舉。乘未南陽隈。何以答三顧。赴敵山亦摧。八陣布雄略。出師

真壯哉。溥澆無異源。靡靡逐時變。奈何遷木運。公庶伺其便。長揖來芝

叟。不作市城戀。竹與木石俱。何意謀自見。邊隅尚傳警。風塵暗寓縣。前脩

邁高節。豈為來者勸。食飯可終身。深期徂龍戰。東來我征夫。遠役在邊戍。

兩雪忽載塗。渠其歲年莫。從戎始雖壯。容髮已非故。甘心許徇國。劬業苦

難樹枕戈憤已盈。孤征尚誰訴。比日折中路。春思情所私。浩浩燕與越。驅車欲焉之。別近恒惻惻。別遠寧不思。寄語室中人。遠游非所陳。昔聞詩與禮。憶在過庭趨。耳熟嚴訓及。晚我昧反隅。中道違蕩析。念此氣不蘇。深惟素履願。竊比連振符。出嗟歲月駛。莫遂砥厥愚。窮生貴殉義。時派重進說。猶冷虎口脫。敢冀蝸塗濡。屢空中。豈作寧為末俗驅。曹連蹈東海。却秦迺獲宜。戰國固多士。卓然一見之。余本寒鄉民。狃居河之濱。尚友薦嗜古。深秉切自私。一獲展良悟。如沐渴與飢。遐躅邈千載。遺矩誠足追。因之激忠憤。塊乏熊虎姿。監吹誠竊祿。晒此齊庚竿。定從繞一言。奉與碌碌俱。古稱賢達人。高詎欺不誣。魚目固非珍。竊混明月珠。貴耳恒賤目。把玩復自娛。窮達有恒理。敢昧待賈沽。兵塵昧遐矚。歲深復替需。荏苒春又夏。芳序不我延。所思邈山海。遐逝隔遠天。寄書雲中鴈。曠絕貽厥譽。榮權有衰歇。寸心終莫遷。如何結髮親。負此桃李年。朱唇揚妙音。豈計終取憐。當年執扇誼。安得今尚然。嫵婉懷哀傷。願比金石堅。蹉跎下閭閻。何由已悄悄。高瞻照初日。水木湧清輝。拂拭朱絲弦。山水調更微。鍾子不我遇。自與聾俗違。無弦寄高興。此意良未非。折腰早已辱。豈是林事機。駭奔計已得。遺迹非可幾。古道就蕪穢。末流滄誰譎。邈求竟何稽。誰作復誰

水樂大典卷九百二

縱知愚維兩致。寧與較縣絕。汗隆逐時變。譬彼涼與熱。朔風吹大漠。夜作千里雪。陰晴苦難恃。舒慘一何別。默悟元化工。喧啾息諱說。惟昔事遠游。發軔自茲始。辛勤三十載。倏忽一瞬耳。未明轍環蹤。竊寃懷居首。祚運厄陽九。歷稔未云已。鄭重携孳心。干祿為親喜。出身忝達掖。殘燬諒非美。多艱亦屢遭。破陷輒中止。自省幾寡譽。所幸免譽毀。遠別同氣親。朝夕竟何恃。於焉限陽朔。曠闊非所擬。相思只長慟。一生致頻起。寒門嬰變故。延禍及先妣。腸裂五內傷。憔悴復何似。永抱終天痛。不得返鄉里。蕙帷擁虛位。徒見字盈紙。旅魂不可招。痛絕真欲死。忍聞屬纊言。離亂念諸子。層雲起遙空。陽曦黯淪沒。倏焉光未歇。變化何倉卒。窮居念離索。終朝恒兀兀。杪冬寒氣恻。凜凜傷肌骨。暖律諒可回。推遷任飄忽。襟詩河宿爛宵分。嚴霜歇芳物。嗚嗚南飛鴈。聲逐浮雲沒。征夫懷遠役。戈船連曉發。孰遣嚴程緩。柰此苦寒月。大有不禦冬。况值霜斷骨。命微難自保。去去冒馳突。親知恻別離。割痛永相卹。歸來良有期。會見早寧隘。晨起淒風厲。霜氣欲斷肌。喧涼謹代謝。推遷理無違。念我蓬藿居。懸壑心自怡。寢相食列鼎。違邇凍與飢。富貴何足羨。股士安坦夷。嚴城喧夜柝。嗚咽巷管清。輝登糖陳。桂魄无復滿。秋聲動寥廓。蓬鴻起榛亂。榮茂就衰歇。關河音信

斷客寂不送安執遠愁心緩。疎散已成癖杜門。養愚蒙。矯厲非素習。甘
此退與窮由來方鑿資。不與國柄通。孜孜為利者。祇自取勞躬。廉立於貧
懦。將謝夷惠功。餘生苟可畢。何須問汗隆。擬古十首次劉閩建韻。送
節祀崇綱。橫清肆狂伴。宗主炳麟史。昧此謀寧緩。民衆詎宜泯。四維遠云
斷。疇能靖群兇。未覺事功罕。豈不念無辜。憂來氣恒短。卓彼一正功。其人
獨稱管。騎射息芳辰。餘間端可卜。戲玩足娛心。棘門拋蹴踘。蹴高齊浮
雲。式駭眾觀目。將軍誇巧捷。接蹠取稱連。憶彼暴殄餘。窮欲未云足。恢恢
忱弗私。惡忿禍芥促。自從喪亂來。東西安所之。山谷弗可居。洋海弗可
期。餘黎摩子道。中遭悉如茲。潘惟弛臣節。不覲死獨遲。適辭尚可托。徒勞
插簪詩。魏爾奈章甫。哀號奚用悲。夷叔卓傑識。時議駭且驚。始也議形
色。終焉心靡平。登山迹既邁。薇蕨豈可生。去余已千代。昭然無隱情。後賢
昧厥旨。較若夫萬程。何須重此文。脩辭費將迎。子房閔韓亡。捷足騁高
志。脩名列三傑。式修運籌事。圮橋期屢失。詎謂偶相值。鍾姿良粹美。神降
會元氣。明哲既保身。替名照天地。漢楚茲逢哉。避矣隔淮四。飛鴻隨遺音。
云有帛書字。尤黨著高節。明王禮不賓。藏深靡求術。高蹈豈無因。商嶺
芝可茹。楚澤蘭堪紉。買斧事樵採。茲焉畢晨昏。伊人不守污。胡為乃栖筠。

永樂大典卷九百二

子

俯仰終規作。信雅遠與迤。負固援南紀。從昔著苗民。虞廷一振旅。舞干
義帝陳。祇緣類莫珍。因此弗順身。爾聚仍續武。徒勞運與巡。網維遠云斷。
那能一朝伸。玄端襲儒服。亦復岸此中。徒守子雲學。謾誇首陽仁。投界息
群憤。毋令洗斯人。世無柳下惠。疇寬此夫薄。全生已虧行。奚用咨涕咨。
摘詞縱工麗。未足俾述作。遠廷馳羽檄。擾擾夜喧柝。涑血川谷殷。瘡痍曷
清靡。忠臣炳休光。鼠輩尚安托。經德貴不回。吾否悔寧晚。老去莫知非。曠
行亦亡。這堂堂。弄陽守重義。知所本。指駝著忠節。欲救天步蹇。脩名先簡
冊。不媿巡與遠。爾獨懸鄉井。歸心入私村。安成不可即。何計遂明壘。說
補登山履。徒懷浮海舟。執抱樂毅才。誰卧元龍樓。往事成悒悒。未今悵悵
悠。戈矧襟游卒。川塗不可游。疇能念塗炭。積此已十秋。人命亦可怜。故人
水上漚。皇風被九宇。謳吟良不休。絕句。飛來雙粉蝶。還為落紅迷。不
惜餘香在。隨風過檻西。幽居偏寂寞。樹午綠陰圓。更有雙飛燕。新巢次
第完。閉門花落盡。稍稍覺春歸。只憶山中好。雲深荀蔽肥。賦情聊寄
遠。一望去程賒。杳杳飛孤鶩。微茫近落霞。樹色偏宜晚。漁煙接古城。傷
心道駐目。荆杞亂來生。昔時得舞地。處處長蒿萊。共說茅檐底。今朝有
燕來。楚山不可極。楚水欲千重。雨逐飛雲度。相從認去蹤。長風中夕

起空閨幽思多。忽聞啼杜宇。奈此單居何。飛花隨雨急。欹樹向風斜。不識春歸路。愁來倍憶家。惟得春多雨。農家未力明。雲濤生近渚。駕得海舟輕。謾成官柳搖。青淺學眉舞。腰纖瘦似蠻兒。多情只解牽離思。剪盡煙中數尺絲。楊柳能小。可集李太白詩。長庚昔入夢。名與少陵齊。陳隋諸作者。稍覺氣焰低。軒昂傲權貴。反爲嬖幸擠。璘也一青蠅。安能點白圭。採芝謝家英。白骨埋黃泥。效孟東野。聞昔有廉士。井飲投青錢。嗟余七尺身。眠食須人憐。夜歸借卮榻。朝起尋炊煙。喟然長太息。俯仰羞前賢。曲肱一榻上。夢與汗漫期。或登高山顛。或步清溪湄。形關日已異。身世交相悲。願言長不寤。夢裏心怡怡。我願如蚯蚓。食土能充腸。我願如鷦鷯。自然羽而翔。人生豈不貴。歲暮天而霜。不知冬日短。但覺冬宵長。緼袍不息恥。恐污君衣裳。糲食不自難。恐辱君膏粱。青蠅點白石。白壁亦無光。一人向隅泣。一室皆感傷。讀徐漢臣詠雪詩。穎守多賓客。玄冬燕賞時。聚星成故事。剡梓播妍辭。吾子追遊躅。儒官下絳帷。高吟三十韻。擬學二賢詩。前朝閭闔有光輝。南國衣冠欲奮飛。兩地因緣春夢斷。百年事業壯心違。四民失職士爲最。數口無依誰與歸。鬢髮蒼浪五十一。天教去米故山薇。

永樂大典卷之九百二

永樂大典

卷九〇五

重錄總校官侍郎高

學士

分校官修撰

書寫當錄吏

潤點監生

普